

समा. 09.20 Hrs

1. लेफ्टिनेंट गवर्नर मनोज सिन्हा हों सँ समाज दा आहवान कीता ऐ जे ओह कट्टरवाद खलाफ इकजुट होन। उँनँ आखेआ जे आतंकवाद दे पूरी चाल्ली खात्मे लेई सांझी कार्रवाई अत लाज़मी ऐ।

2. मुख्यमंत्री उमर अब्दुल्ला होंरें जम्मू तवी गोल्फ कोर्स च इन्डोर स्वीमिंग पूल लेई नीह पत्थर रक्खेआ। उंनैं जम्मू गी गोल्फ ते सैलसफे दा इक गढ़ बनाने दा धेइया पक्का कीता ऐ।

3. बपार कारोबार गी सखल्ला बनाने ते कारोबारी सुधारें सरबन्धी कार्य-योजना दे तैहत जम्मू-कश्मीर सरकार गी नमीं दिल्ली च आयोजित उद्योग समागम 2025 दे दरान टॉप एचीवर अवार्ड कन्नै सम्मानत कीता गेआ ऐ।

4. घाटी दे नौगाम पुलस थाने च कल चिरें रातीं चानचक्क होए दे धमाके दरान केई जनें दे मारे जाने ते जख्मीं होने दी शँका ऐ।

5. वंदे मातरम् गीत दे 150 बरें पूरे होने दे सरबंध्यै च मनाए जा'रदे समारोहें च भागीदारी दे मामले च जम्मू-कश्मीर, समूलचे मूल्ये च अक्वल रेहा ऐ।



LG- Terrorism (Byte)

लैफ्टिनेंट गवर्नर मनोज सिन्हा होरें आखेया जे समाज च अजें बी किश ऐसे तत्व छप्पे दे न- जेहड़े जम्मू-कश्मीर च नौजवानें गी कटट्रपंथी बनाने दी कोशिश करा रदे न ते हाल च गै इस चाल्ली दे कैई मामलें सामने आए न। वंदे मातरम दे 150 बरे पूरे होने दे मौके पर आयोजित समापन समारोह च बोलदे होई लैफ्टिनेंट गवर्नर होरें इनें गुटें दी पंछान करने ते उनेंगी खत्म करने दी जरूरतें पर जोर दिंदे होई समाज गी अपील कीती जे ओह आतंकवादी तत्वें गी बक्ख-बाहरा करन ते उंदी गतिविधियें गी समर्थ बनाने आहले सब्भनें समर्थन प्रणालियें गी खत्म करी देन। उनें आखेया जे किट्ठै रलियै कीती गेदी सामुदायिक कारवाई आतंकवाद दे तबूत च अखीरले किल दे तरा पर कम्म करोग ते इस खिते च स्थाई शांति गी यकीनी बनाग। उनें आखेया.....(बाईट)

<><><><><><>

CM Golf Course (Byte)

मुख्यमंत्री उमर अब्दुल्ला होरें जम्मू दे सिधड़ा इलाके च जम्मू तवी गोल्फ कोर्स च इक इंडोर स्विमिंग पुल दा नींह पत्थर रक्खेया ते “जम्मू गेड़ी” बस सेवा सने सैलसफा सरबन्धी नमीं पैहलकदमियें दी शुरुआत कीती। नमें सिखलाई हासल पैरा-ग्लाइडरें लेई आयोजित इक सम्मान समारोह गी सम्बोधित करदे होई उनें जम्मू गोल्फ कोर्स गी इक बेहतरीन राष्ट्रीय गोल्फ खेड आली थाहर दे रुपै च विकसित करने दे सरकार दे धेड़यै गी फही पक्का कीता। मुख्यमंत्री होरें आखेया जे जम्मू दी बन्न-सबबनता सैलसफा समर्थ जेदे च विरासत- तीर्थयात्रा- बन्ने ते रोमांच आहले सैलसफा शामिल न- गी पूरी चाल्ली बढ़ावा दिता जाना लोड़चदा। उनें जम्मू दी

अर्थबवस्था गी बढ़ावा देने ते भारत दे सैलसफा नक्शे पर ओहदी पुज्ज गी बधाने आस्तै लगातार जतने दा भरोया दोआया। इस मौके पर बोलदे होई मुखमंत्री होरें आक्खेया(बाईट)

<><><><><><>

EoDB Award

बपार कारोबार गी सखल्ला बनाने ते कारोबारी सुधारें सरबन्धी कार्ययोजना दे तैहत जम्मू-कश्मीर सरकार गी नमीं दिल्ली च आयोजित उद्योग समागम 2025 दे दरान टॉप एचीवर अवार्ड कन्नै सम्मानत कीता गेआ ऐ। उद्योग ते बपार मैहकमे दे कमिशनर-सैक्रेटरी विक्रमजीत सिंह होरें, केन्द्री मंत्री पीयूष गोयल हुंदे थमां एह सम्मान हासल कीता। जम्मू-कश्मीर गी सबनैं राज्यें ते केन्द्र शासित प्रदेशें च 5मीं थाहर हासल होई ऐ ते एह सम्मान सरकार दी उस वचनबद्धता दा प्रतीक ऐ जेहदे तैहत जम्मू-कश्मीर च बपार-कारोबार दे मुआफिक तंत्र स्थापत कीता जा'रदा ऐ। एह सम्मान, इस उपलब्धि पर बी लोs पांदा ऐ जे जम्मू-कश्मीर, रास-पूंजी ते औद्योगिक विकास लेई इक पसंदीदा थाहर दे तौर पर उभरिये सामने आवा करदा ऐ।

<><><><><><>

CS PMFBY

मुख सचिव अटल डुल्लु होरें औंदी रबी रूतै कोला पैहले जम्मू-कश्मीर च 100 फीसद योग्य करसानें गी प्रधानमंत्री फसल बीमा योजना दे दायरे हेठ आहनने दी जरूरतै पर जोर पाया ऐ। इस सरबन्धै च लाई गेदी इक जायजा बैठक दी प्रधानता करदे होई मुख सचिव होरें बैंकें ते

माली इदारें गी हुकम रसाल कीता जे ओह किसान क्रेडिट कार्ड धारकें दा पंजीकरण करन ते इस गल्लै गी जकीनी बनान जे फसल बीमा सरबन्धी दावें दा नबेड़ा बेल्ले सिर करी दिता जा। सरबन्धत अधिकारिणं गी निर्देश दिता गेआ जे ओह जिला स्तर पर हासल प्रगति दी निगरानी करने दे कन्नो-कन्नी, रोजै दी बिनाह पर करसानें दे पंजीकरण आहले लक्ष्य बी तय करन। ध्यानजोग ऐ जे मजूदा समें च प्रदेश च 11 लकख 50 जहार शा मते करसान प्रधानमंत्री फसल बीमा योजना दे दायरे हेठ आहने जाई चुके दे न ते खरीफ 2025 लेई 40 करोड़ 28 लकख रुपे दे दावे हासल होए दे न।



Janjatiya Diwas

राष्ट्र अज्ज स्वतंत्रता सेनानी ते आदिवासी नेता भगवान बिरसा मुंडा हुंदी जयंती दे उपलक्ष्य च जनजाती गौरव दिवस मना करदा ऐ। केंद्र सरकार ने जनजातीय इतिहास गी जींदा रक्खने दे महत्व गी ध्यान च रक्खदे होई 15 नवंबर गी जनजाती गौरव दिवस दे रूप च मनाने दा फैसला कीते दा ऐ। समें दे कन्नै एह उत्सव जनजाती गौरव सप्ताह दे रूपै च विस्तारित होई गेआ ऐ, जिसी बक्ख-बक्ख मंत्रालयें ते राज्यें च सांस्कृतिक कार्यक्रमें, प्रदर्शनियें ते शैक्षिक गतिविधियें दे कन्नै मनाया जंदा ऐ जेहड़े जनजाती नायकें दी विरासत गी जीवंत करदे न। तोआई प्रधानमंत्री नरेंद्र मोदी ते गृह मंत्री अमित शाह होरें अज्ज स्वतंत्रता सेनानी ते आदिवासी नायक भगवान बिरसा मुंडा होरें'गी उंदी 150मीं जयंती पर श्रद्धांजलि अर्पित कीती। सोशल मीडिया पोस्ट च, श्री मोदी होरें आखेआ ऐ जे जनजाती गौरव दिवस दे इस मौके उपपर समूलचा देश मातृभूमि दे गौरव दी राक्खी च बिरसा मुंडा हुंदे बेजोड़ जोगदान गी पूरी श्रद्धा

कन्नै याद करदा ऐ। गृह मंत्री अमित शाह होरें आखेआ ऐ जे बिरसा मुंडा हुंदा जीवन हर इक देशभक्त लेई प्रेरणा दा स्रोत ऐ।

<><><><><><>

ते हुंन बाकि दिएं खबरें कन्नै कुणाल श्रीवत्स:-

<><><><><><>

Nowgam Explosion

कश्मीर घाटी दे नौगाम पुलस थाने च कल चिरें रातीं चानचक्क होए दे धमाके दरान केई जने दे मारे जाने ते जख्मी होने दी शेंका ऐ। अधिकारिक सूतरें मूजब, हरियाणा च सामने आए दे आतंकी गिरोह आहले मामले तैहत जब्त कीते गेदे विस्फोटकें दे इक ज़खीरे थमां नमूने लेंदे बेल्ले एह धमाका होआ। दिल्ली च लाल किले कश होए दे बम्ब धमाके आहले मामले च बक्ख-बक्ख एजेंसिएं आसेआ कीती जा'रदी जांच दे तैहत हरियाणा दे फरीदाबाद थमां आहन्ने गेदे विस्फोटकें दे जखीरे दी जिसलै पुलसकर्मिएं ते फोरेंसिक माहिरें आसेआ जांच कीती जा'रदी ही उसलै चानचक्क एह धमाका होई गेआ। इस बारै होर ब्यौरे गी अजे बलगेया जा'रदा ऐ।

<><><><><><>

JK Vande Matram

राष्ट्रीय गीत “वंदे मातरम” दे 150 बरे पूरे होने दे उपलक्ष्य च हफ्ते भर चलने आहले समारोहें दौरान जम्मू-कश्मीर नै एहदे च भागीदारी लैने च राष्ट्री स्तर पर पैहली थाहर हासल कीती ऐ। केन्द्र शासत प्रदेश च बक्ख-बक्ख जिलें च विद्यार्थियें ते नागरिकें दी जबरदस्त प्रतिक्रिया

दिखने गी थोई। पैहले गेड़ दे समारोह दा समापन रामबन-रियासी ते कठुआ सने जम्मू दे बक्ख-बक्ख जिलें च कल लोआए गेदे सांस्कृतिक कार्यक्रमें कन्नै होआ। एम.ए. स्टेडियम जम्मू च लोआए गेदे समापन समारोह च 20 जहार शा मते विद्यार्थियें ते बसनीकें हिस्सा लैता। कार्यक्रम च राश्ट्रीय गौरव ते सामुदायिक हिस्सेदारी दी मजबूत भावना दा प्रदर्शन कीता गया। उत्साह कन्नै एह भागीदारी जम्मू-कश्मीर दी झूंगी सांस्कृतिक प्रतिबद्धता गी दर्शादी ऐ ते बहु-चरणीय स्मारक कार्यक्रम दी इक कामयाब शुरुआत ऐ।



Mid Night Marathon

तंदरूस्ती ते सामुदायिक भागीदारी गी बढ़ावा देने दी इक्क बड़ी कोशिश दे तैहत जम्मू-कश्मीर खेड काउंसल आसेआ अज्ज 15 नवम्बर गी जम्मू दे मौलाना आजाद स्टेडियम च जम्मू मिड-नाईट मैराथन दे त्रीये संस्करण दा आयोजन कीता जाहग। आकाशवाणी जम्मू दे संवाददाता दी रिपोर्ट मुजब इस कार्यक्रम च सबने स्तरें लेई बक्ख-बक्ख श्रेणिएं च द्रौड़ें दा आयोजन कीता जाहग। एह मैराथन एम.ए स्टेडियम थमां शुरू होग ते शैहरें दिएं मुख् थाहरें चा होइयें लंगघग। इस मैराथन च हिस्सा लैने लेई लोक अधिकारिक पोस्टर पर दिते गेदे क्यू.आर कोड गी स्कैन करी सकदे न जां फही इंस्टाग्राम हैंडल /श्रंउउनउपकदपहीजउंतंजीवदविपिबपंस दे राहें बी एहदे च हिस्सा लेई सकदे न। लोक पंजीकरण ते पुच्छ-गिच्छ लेई इन्नें टेलीफोन नम्बरें पर संपर्क करी सकदे न। नम्बर इस चाल्ली न : 9596798743 ते 7006095269

